

樓炭經卷第二

二百八十一
容二

49565-



元祿九年丙子二月日重修

皇圖鞏固 帝階綴昌

佛日增輝 懋輪常轉

山城州天安寺法金剛院置

Handwritten characters, possibly a signature or date, located below the main text block.

樓炭經卷第二

西晉三藏法師法立共法炬譯

容

泥犁品第四

佛告比丘有大鐵圍山更復有第二大鐵圍
山中間窈窈冥冥其日月大尊神光明不能
及照其中有八大泥犁一泥犁者有十六部

第一大泥犁名想第二大泥犁名黑目
大泥犁名僧軋第四大泥犁名樓獵第五大
泥犁名噉嚙第六大泥犁名燒炙第七大泥
犁名釜煮第八大泥犁名阿鼻摩呵佛言何
以名為想其大想泥犁若有人墮中者其八
指生抓如利刀以相把刺其肉應手墮去想



念欲相殺以是鹿想事故名為想泥犁更復有餘種種因緣

復次其大想泥犁若有人墮中者手中自然刀劔以相斫刺想欲殺他人以是鹿想事故名為想復次更復有餘因緣其有人墮中者手中自然小刀以刺剝他人想念欲殺之是以鹿粗事故名為想復有餘因緣其有人墮中想泥犁中者以手搔從足剝餘者至頂想念欲殺他人涼風起吹之身瘡平復展轉相語當復長生中復有相語言我曹今適生以是故名為想泥犁復有餘因緣用是故泥犁中入壽長久乃從想泥犁中出便走求解脫復有

泥犁名爲黑界縱廣二万里悉入中裏火從
身出遶身三匝還入身毒痛不可忍過惡未
解故不死復次黑界泥犁東壁火遶三匝燒
人炎至西壁西壁火炎至東壁南壁火炎至
北壁北壁火炎至南壁上火炎下至地地下
火炎上至上人在中燒炙毒痛不可忍過惡
未解故不死在其中甚久乃從黑界泥犁
出便走求解脫有泥犁名沸屎縱廣二万里
悉入沸屎中自然至頸熱沸踊躍人以手把
椽欲出不能得身體手足耳鼻面目皆爛熟
毒痛不可忍過惡未盡故不死有垂名鐵口
啄人髓髓啄人肉穿之破骨噉人髓泥犁中

人手拳扶食之脣舌皆焦咽喉腹中腸胃皆
爛便下過去毒痛不可忍過惡未盡故不死
在其中甚久以後乃從沸屎泥犁中出便走
欲求解脫有泥犁名五百釘縱廣二万里悉
入中泥犁旁各取人手足卧撲著釘地以燒
鐵釘釘其右掌以鐵釘釘左掌以鐵釘釘其
右足復以鐵釘釘其左足復以鐵釘釘其心
復以鐵釘遍釘其身下徹地悉以五百釘釘
其身續動欲起毒痛不可忍泥犁旁問言欲
求何等報言我但苦飢渴泥犁旁取鉗拗開
口燒熱鐵注其咽中脣舌咽皆焦腹中腸胃
皆焦爛與腸胃下過去毒痛不可忍過惡未

盡故不死用是故人在泥犁中甚長久以後
乃從五百釘泥犁得出便走欲求解脫有泥
犁名車怙縱廣二萬里悉入其中泥犁旁便
問言欲求何等報言但苦飢渴泥犁旁便各
各取其身撲著地取鉗拗開其口取消銅灌人
口中脣舌皆焦腹中五臟腸胃皆焦爛燒炙
毒痛不可忍過惡未盡故不死在泥犁中甚
長久以後乃得出便走欲求解脫有泥犁名
為飲悉入中泥犁旁便問言欲求何等報言
我但苦飢渴泥犁旁即各各取其人身撲著
燒熱地以鉗拗開其口以燒鐵丸著人口中
脣舌咽皆焦五藏腸胃盡焦便下過去毒痛

不可忍過惡未解故不死在其中甚長久乃
從飲悉泥犁中出走求解脫有泥犁名一
銅釜縱廣二萬里盡入中泥犁旁便共舉人
身體手足著釜中煮在底亦熟在上亦熟湯
沸踊躍起沫有在上露手足者覆亦熟譬如
煮豆在底亦熟在上亦熟覆亦熟露亦熟泥
犁中人亦如是在二萬里銅釜泥犁中上下
皆熟頭面耳鼻手足皆見泥犁旁以矛刺內
其中毒痛不可忍過惡未解故不死用是故
在其中甚久長已後乃從一銅釜泥犁中出
便走欲求解脫有泥犁名多銅釜縱廣二萬
里悉入中泥犁旁便各各舉其身手足著釜

中湯沸踊躍展轉在底在上頭面手足皆見
熟爛泥犁旁便以揉擣罪人持著餘釜中見
煮亦如是毒痛不可忍過惡未解故不死在
其中甚長久已後乃從多銅釜泥犁中出便
走欲求解脫有泥犁名鐵磨縱廣二萬里悉
入其中泥犁旁便各各取人著鐵磨上卧以
蓋覆上便旋磨使碎血肉流下骨留在磨中
火出燒炙毒痛不可忍過惡未解故不死用
是故在其中甚長久已後乃從鐵磨泥犁中
出便走欲求解脫有泥犁名膿血縱廣二萬
里人悉入其中即自然有膿血火炎出人
以手足把磨欲出頭面耳鼻身體手足皆焦便

自以手取膿血食之。脣舌咽皆焦。腹中腸腑五臟皆焦。便下過去毒痛不可忍。過惡未解。故不死在其中。甚長久已。後乃從膿血泥犁中出。便走欲求解脫。有泥犁名高峻。縱廣二萬里。人悉入其中。泥犁火炎出。泥犁旁即赴八上下出頭面耳鼻身體手足皆焦爛。毒痛不可忍。過惡未解。故不死在其中。甚長久已。後乃從高峻泥犁中出。便走欲求解脫。有泥犁名斫板。縱廣二萬里。人悉入其中。泥犁旁便各各取人撲著熾鐵地。以鐵繩量度身。以兩手持斧斫削人身及頭面手足鼻耳毒痛不可忍。過惡未解。故不死在其中。甚長久已。

已後乃從斫板泥犁中出便走欲求解脫
泥犁名斛量縱廣二万里人悉入其中泥犁
旁即取炭火中人使著斛中量以手摩上頭面
身體手足鼻耳皆焦爛泥犁旁走人火上往
還燒炙毒痛不可忍過惡未解故不死在其
中甚長久已後乃從斛泥犁中出便走欲求
解脫有泥犁名劔樹葉縱廣三万里人悉入
其中風至吹鐵劔樹葉墮落截人手足頭面
耳鼻身體毒痛不可忍過惡未解故不死狂
其中甚長久已後乃從鐵劔樹泥犁中出便
走欲求解脫有泥犁名撓勞河縱廣二万里
河兩邊生剃頭刀草人悉入其中刀忍逆刺

人斷人手足頭面鼻耳身體毒痛不可忍
爾時人皆墮撓勞河湯沸踊躍下底有八寸
茨藜刺剥人身血流灑但有其骨便沸踊躍
轉上下毒痛不可忍風吹至岸邊草刀逆向
肉截人頭面耳鼻身體手足毒痛不可忍過
惡未解故不死泥犁旁即問欲求何等
報言我但苦飢渴泥犁旁便各各取人撲者
燒熱地以消銅灌人口中脣舌咽喉皆焦身
體五藏腸胃皆焦便下過去毒痛不可忍過
惡未解故不死河兩邊有鐵樹泥犁旁便取
人攀磨鐵樹上樹生刺刺下垂刺人身體血
肉出流墮餘但有骨風起吹及身體平復

故有鳥名鐵鳥觜啄其頭噉其腦在頭上住
啄取人瞳子人欲下鐵刺仰向刺人欲上復
下向刺人介時人走行欲求解脫還墮撓勞
河中湯沸踊躍墮底為疾藜所刺如故上浮
風吹至岸邊草刀逆截傷人頭面耳鼻身體
手足毒痛不可忍過惡未解攸不死泥犁旁
問言欲求何等報言我但苦飢渴便持消銅
灌口中脣舌咽喉腸胃皆焦爛便下過去上
岸邊泥犁旁復著岸邊樹上欲下上刀逆刺
人有鳥名那泥觜啄人頭噉其腦在人頭上
啄人瞳子欲上下刺逆向刺人毒痛不可忍
過惡未盡故不死復還墮撓勞河在中毒痛

如故風復吹至岸邊草刀逆刺剥人如故泥
犁旁復問人言欲求何等報言但苦飢渴以
其消銅灌其口中如故燒炙毒痛不可忍在
其中甚長久已後乃從撓勞河得出便走欲
求解脫有泥犁名狼野干廣縱二萬里人悉
入其中狼野干自然在前住身中出火炎所
齧人身肉應其口而食之毒痛不可忍飛鳥
共來啄斃人肉脫人眼者毒痛不可忍過惡
未盡故不死在其中甚長久已後乃從狼野
干泥犁得出便走欲求解脫有泥犁名寒冰
廣縱二萬里人悉入其中風周匝四面起寒
冰風吹人身肌膚皮肉筋骨入髓中用是故

便於中死佛言何以故名爲黑耳泥犁若有
人墮黑耳泥犁中者黑風熱沙雨其身上即
墮地焦皮肌膚骨肉皮髓毒痛不可忍過惡
未盡故不死用是故名爲黑耳復有餘因緣
復次黑耳大泥犁其有人墮中者以燒黑鐵
索縛身其風便勒結之斷其身皮肌膚破骨出

髓毒痛不可忍過惡未盡故不死用是故名
黑耳復次有因緣墮其黑耳大泥犁中者泥
犁旁以黑鐵燒熱繩纏裹人身焦皮肉肌膚
骨髓毒痛不可忍過惡未盡故不死用是故
名爲黑耳復次其有人入大黑耳泥犁旁以
鐵繩左右絞其人身以鋸截之以斧斷之毒

便於中死佛言何以故名爲黑耳泥犁若有
人墮黑耳泥犁中者黑風熱沙雨其身上即
墮地焦皮肌膚骨肉皮髓毒痛不可忍過惡
未盡故不死用是故名爲黑耳復有餘因緣
復次黑耳大泥犁其有人墮中者以燒黑鐵
索縛身其風便勒結之斷其身皮肌膚破骨出

髓毒痛不可忍過惡未盡故不死用是故名
黑耳復次有因緣墮其黑耳大泥犁中者泥
犁旁以黑鐵燒熱繩纏裹人身焦皮肉肌膚
骨髓毒痛不可忍過惡未盡故不死用是故
名爲黑耳復次其有人入大黑耳泥犁旁以
鐵繩左右絞其人身以鋸截之以斧斷之毒

痛不可忍過惡未盡故不死用是故名爲黑
耳復次人在其中甚長久燒炙毒痛乃從黑
耳泥犁中出便走欲求解脫有泥犁名黑火
廣縱二万里人悉入中黑火從身出遶身三
匝還入身毒痛不可忍過惡未盡故不死在
泥犁中甚長久乃從黑火泥犁中出隨次入
如前十六泥犁至寒冰泥犁乃命過佛言何
以故名爲僧軋泥犁其有人墮僧軋大泥犁
中者自然滿鐵山出火火山合拍泥犁中人
破碎其身毒痛不可忍過惡未盡故不死是
故名爲僧軋復有餘因緣復次若有人墮僧
軋大泥犁中者人悉入其中有兩山相拍罪

人身昏破碎解墮毒痛不可忍過惡未盡故
不死是故名爲僧軋復有因緣人在其中甚
長久乃從大僧軋泥犁中出便走欲求解脫
復次入十六泥犁如前復至寒氷泥犁乃命
過佛言何以故名樓獍泥犁其有人墮樓獍
中者泥犁旁各各取人著鐵銚中人大嚙呼
大毒大痛是故名爲樓獍復次有罪人墮樓
獍泥犁中者泥犁旁取人著鐵鼎中大毒大
痛嚙嚙是故名爲樓獍復次其有罪人墮樓
獍泥犁中者泥犁旁各各取人著鐵釜中大
毒大痛嚙嚙是故名爲樓獍復有餘因緣罪
人在其中甚長久乃從樓獍泥犁中出便走

未解脫復隨次入十六泥犁如前三寒冰
泥犁乃命過

佛言何以故名爲噉嚙其有人墮大噉嚙泥
犁中者泥犁旁各取其人身著大銚中煮
極毒痛大噉嚙是故名爲大噉嚙復有餘因
緣其有罪人墮大噉嚙泥犁中者泥犁旁各
各取其人身著大釜中甚毒痛大噉嚙復有
餘因緣其罪人墮大噉嚙泥犁中者泥犁旁
各各取人著鼎鑊中煮甚毒痛大噉嚙是故
在其中甚長久乃從大噉嚙泥犁中出便走
欲求解脫隨次入十六泥犁如前至寒冰乃
死佛言何以故名爲燒炙其有罪人墮大燒

泥犁中者泥犁旁各各取人著鐵舍中自然出火燒炙毒痛是故名爲燒炙復次其有罪人墮大泥犁燒炙中者泥犁旁牽人入鐵交路中自然有火燒炙毒痛是故名爲燒炙過惡未盡故不死復次其有罪人墮火燒炙泥犁中者泥犁旁牽人入鐵堂上自然有火燒炙毒痛是故名爲燒炙罪人在其中甚長久乃從燒炙泥犁中出便走欲求解脫隨次入十六泥犁如前至寒冰泥犁乃命過佛言何以故名爲阿鼻摩呵其有罪人墮阿鼻摩呵泥犁中者眼但見惡色不見善色耳但聞惡聲不聞善聲口所食但得惡味不得

甘美鼻所聞臭不聞香身所更但得惡意所
念法但有惡無善是故名爲阿鼻摩呵復有
餘因緣有罪人墮阿鼻摩呵泥犁中者東壁
火炎至西壁西壁火炎至東壁南壁火炎至
北壁北壁火炎至南壁上火炎下至地地火
炎上至上六面火來燒炙人毒痛是故名爲
阿鼻摩呵復次其罪人墮阿鼻摩呵泥犁中
者彈指頃無有樂是故名爲阿鼻摩呵罪人
在其中甚長久乃從阿鼻摩呵泥犁中出便
走欲求解脫隨次入十六泥犁如前至寒冰
泥犁乃死

佛言大鐵圍山外閻浮利天下南有閻羅王

城廣縱二十四万里以七寶作七重壁七重
欄楯七重交路七重行樹園觀浴池周而圍
遶金壁銀門銀壁金門琉璃壁水精門水精
壁琉璃門赤真珠壁瑪瑙門瑪瑙壁真珠門
車渠壁一切寶門上有曲箱蓋交露下有園
觀浴池有種種樹葉華實出種種香種種飛
鳥相和而鵝佛言人身行惡口言惡心念惡
死後墮此閻羅王泥犁中者泥犁旁便反縛
罪人以見閻羅王白王言此諸人悉不孝父
母不承事沙門道人不畏後世禁忌願王隨
所知而罰之王即呼人前安諦審實問其人
汝昔在世間時不見人年老百二十頭白齒

落面破皮緩氣力衰微持杖而行身體顫慄
其人言已見何以不自念我亦當如是老極
無有能脫不老者何不自改身口意為善其人
對言我實姪亂王言今我當便問汝姪亂之
意是過非父母過亦非兄弟過亦非天帝王
過亦非親屬知識過亦非先祖去又過亦非

沙門婆羅闍過汝作惡身自當受第一閻羅
王問閻羅王第二安諦審實問汝昔在世間
時為不見人男女病困劣著牀惡露自出身
卧其上不能坐起居人坐起飯食之其人對
言已見王言汝何以不念我亦當如是病瘦
自改身口意為善我實姪亂王言今我當便

問汝姪亂之意是過亦非父母過亦非兄弟
過亦非天帝王過亦非親屬知識過亦非先
祖去人之過亦非沙門非婆羅門過汝自作
惡身自當受第二閻羅王問閻羅王第三問
汝昔在世間時爲不見男女死時身體壞敗
破碎如材木棄捐爲鳥鳥虫蛾狐狼所食若
有燒者堊埋者其人對言已見汝何以不自
念我亦當如是死當自改身口意爲善我實
姪亂王言我當問汝姪亂之意是過非父母
過亦非兄弟過亦非天帝王過亦非先
祖去人過亦非親屬知識過亦非沙門
婆羅門過汝自作惡身自當受第三閻

羅王問閻羅王第四門汝昔在世間時爲
不見小兒無所知屎尿自惡其人言我已
見何以不自念我本亦如是當自改身
口意爲善我實姪亂王言今我當問汝姪
亂之意是過非父母過亦非兄弟過亦非
天帝王過亦非先祖去人過亦非親屬知識
過亦非沙門婆羅門過汝自作惡身自當受
第四閻羅王問閻羅王第五安諦審實問汝昔
在世間時爲不見郡國縣邑中得盜賊犯事
殺人者以見曰王王勅使四支梟控之若著
釜中煮若生燒之若閉著牢獄掠笞毒痛若
斷手足鼻耳若生貫之若斷頭種種酷毒之

其人對言已見汝何以不自念我若有過亦當取我如是當改身口意為善我實姪亂當問汝姪亂之意是過非父母過亦非兄弟過亦非天帝王過亦非先祖去人過亦非親屬知識過亦非沙門婆羅門過汝自作惡身自當受第五閻羅王門便持付泥犁旁即各各取人倒著泥犁中泥犁城廣長各四萬里窈窈冥冥佛今時說偈言

四方有四門 諸角治甚堅 垣壁以鐵作
上亦有鐵覆 其地悉布鐵 火悉自然出
其界有十大泥犁第一名阿浮第二名尼羅
浮第三名阿呵不第四名阿波浮第五名阿

羅留第六名憂鉢第七名脩捷第八名蓮華
第九名拘文第十名分陁利佛言何故名爲
阿浮阿浮泥犁中罪人自然生身譬如雲氣
是故名爲阿浮何以故名爲尼羅浮尼羅浮
泥犁中罪人身譬如礮礮肉是故名爲尼羅
浮何以故名爲阿呵不阿呵不泥犁中罪人
甚大苦甚大痛嚙呼是故名爲阿呵不何以
故名爲阿波浮阿波浮泥犁中罪人甚酷甚
痛大呼涕嚙是故名爲阿波浮何以故名爲
阿羅留阿羅留泥犁中罪人甚苦甚痛欲嚙
呼不能但動舌是故名爲阿羅留何以故名
爲優鉢優鉢泥犁中罪人身青譬如優鉢是

故名爲優鉢何以故名爲脩捷脩捷泥犁中
罪人身黃譬如脩捷是故名爲脩捷何以故名爲
拘文拘文泥犁中罪人身色黃白譬如拘文
是故名爲拘文何以故名爲分陁利分陁利
泥犁中罪人身色赤如分陁利是故名爲分
陁利何以故名爲蓮華蓮華泥犁中罪人身
紅色是故名爲蓮華佛言譬如有百二十斛
四外廩滿中芥子百歲者人取一芥子去比丘
是百二十斛四外芥子悉盡人在阿浮泥犁
中尚未竟若人在尼羅浮泥犁中者百歲取
一芥子盡二千四百八十斛芥子乃得出耳
在阿呵不泥犁中百歲取一芥子盡四萬八

千一百六十斛乃得出在阿波浮泥犂中百
歲取一芥子盡九十六萬三千三百斛乃得
出在阿羅留泥犂中百歲取一芥子盡千九
百二十六萬四千斛乃得出在脩捷泥犂中
百歲取一芥子盡三億八千萬五百二十八
斛乃得出在青蓮華泥犂中百歲取一芥子
盡八十六億五百六十萬斛乃得出在黃白
蓮華泥犂中百歲取一芥子盡千七百二十
億萬一千二百斛乃得出在拘文蓮華泥犂
中百歲取一芥子盡三萬四千四百億二十
二萬切千斛乃得出在紅蓮華泥犂中百歲
取一芥子盡六十萬八千八百億四百四十

八萬斛乃得出二十小劫爲半大劫有人名
拘波利隨紅蓮華泥犁中坐誹謗舍利弗摩
訶目捷連佛於是說偈言

若有人發起者

從口語出刀刃

坐語說惡之事

便還而自截傷

若可誹反歎舉

可歎者反誹謗

口說惡猶重過

口過重不安隱

譬言如人博掩者

是諸過薄少耳

有惡意向賢者

是過爲最大重

泥犁浮有百千

阿浮有三十五

閻羅王晝夜各三過燒熱銅自然火在前宮
中王即恐畏衣毛起豎即出宮舍外外亦自

然有火王大怖懼還入宮泥犁旁便各各取
閻羅王撲燒鐵地持鐵鈎鈎其口開以消銅
灌王口中焦喉咽已皆焦腹中腸胃五臟銅
便下過去燒灸毒痛不可忍過惡未盡故不
死世間其有身行惡口言惡心念惡死後墮
惡道燒灸毒痛如泥犁中罪人世間人其有
身行善口言善心念善死後皆生天上佛於
是說偈言

王使神呼問之

人民所作過惡

其人常而憂毒

人用是身勤苦

知當問不作惡
若有恐見因緣

即奉行賢善法
生但有病及死

無因緣便解脫
得安隱甚快樂

生病死便滅盡

一切恐怖畏懼

即見在得滅度
度無爲獨有常

阿須輪品第五

佛言須彌山下深四十萬里中有阿須輪名
抄多尸利其城郭廣長各三百三十六萬里
以七寶作之甚姝好金銀水精琉璃赤真珠
車渠馬瑙周帀圍遠有七重壁攔楯七重交
路七重行樹高八萬里長六萬里皆以七寶
作也四方有四門門高百里廣六十里一一
門邊各各有十阿須輪居止以七寶作殿舍
七重壁七重攔楯七重交路七重行樹周帀

圍遶樹有青色者紅色者黃色者白色者有
葉樹華樹實樹樹上有飛鳥止名爲鶴孔雀
鸚鵡白鴿悉在樹上甚好相和而鳴抄多尸
利阿須輪東出四萬里中有阿須輪城郭廣
長各三十六萬里以七寶彩畫姝好金銀琉璃
瑠水精赤真珠車渠馬瑙作七重壁七重欄
楯七重交路七重行樹周遍圍遶四方有門
門高十萬里廣六萬里各各有三百阿須輪
止周帀圍遶有七重流水甚深滿中有青蓮
華黃蓮華紅蓮華白蓮華其底沙皆金邊有
樹青色者紅色者黃色者白色者有葉樹華
樹實樹樹上有種種飛鳥止甚姝好相和而

鳴抄多尸利阿須輪南出四萬里中有阿須
輪名波阨呵阿須輪城郭廣長各四十六萬
里以七寶彩畫姝好七重壁七重欄楯七重
交路七重行樹四方有門門高十萬里廣六
萬里一一門各有三百阿須輪止周中有七
重流水甚深滿其水底沙皆金中有青紅黃
白蓮華有七重壁七重欄楯交路樹木周中
圍遠有青紅黃白樹生葉華實樹樹各有種
種飛鳥甚好相和而鳴抄多尸利阿須輪西
出四萬里有阿須輪名波利其城廣長各三
十六萬里皆以七寶彩畫姝好作七重壁欄
楯交路樹木垣墻高十萬里廣六萬里四方

有四門門高十萬里廣六万里皆以七寶作
門一一門邊各有三百阿須輪止其宮殿亦
以七寶作七重壁欄楯交路樹木七重流水
甚深滿其水底沙皆金亦有青紅黃白蓮華
亦有青紅黃白樹生葉華實上有種種飛鳥
甚好相和而鳴抄多尸利阿須輪宮北出四
万里中有羅呼阿須輪其城郭廣長各三十
六萬里亦有七寶彩畫姝好作七寶壁欄楯
交路樹木周帀圍遶垣墻高十萬里廣六万
里四方有四門門高十萬里廣六万里一一
門邊各有三百阿須輪止其宮殿亦以七寶
作七重壁七重欄楯刀分樹木周帀七重流

水深滿中有青紅白蓮華其水底沙皆金
復以七重欄楯交路樹木周帀圍遶有青紅
黃白樹生葉華實上有種種飛鳥甚好相和
而鳴抄多尸利阿湏輪城中有大樹名爲晝
過度高十二萬里周帀亦有十二萬里根深
二萬里莖圍四萬里常有華實抄多尸利阿
湏輪身高二萬八千里有高二萬四千里者
有高二萬里者有高萬六千里者有高萬二
千里者有高八千里者有高七聲者長六聲
者五聲者四聲者三聲者二聲者最小者長
一聲抄多尸利阿湏輪宮有四品常待風持
之何等爲四一者不可壞風二者堅住風三

者持風四者上風是為四品風主持水在上如浮雲矣

龍鳥品第六

佛告比丘言有四種龍何等為四一者卵生種龍二者水生種龍三者胎生種龍四者化生種龍是為四種龍佛語比丘金翅鳥有四種一者卵生種鳥二者水生種鳥三者胎生種鳥四者化生種鳥是為四種鳥大海底須弥山北有娑竭龍王宮廣長八萬俞旬以七寶金銀水精琉璃赤真珠車渠瑪瑙作七重壁七重欄楯七重交路七重樹周匝殊好金壁銀門銀壁金門琉璃壁火精門水精壁琉璃

八六八
瑠門赤真珠壁瑪瑙門瑪瑙壁赤真珠門車
渠壁一切寶門彩畫姝好其壁二萬里有一
門門高二千四百里廣千二百里其門常有
五百鬼神守門門壁上有欄楯交露曲箱蓋
門邊有園觀浴池有種種樹出種種香有種
種華種種葉種種飛鳥相和而鳴大海北邊
有難頭和難龍王宮廣長各二萬八千里以
七寶作七重壁欄楯七重交路樹木周而圍
遠門高千四百里廣四百八十里壁上有欄
楯交露曲箱蓋周有園觀浴池樹木飛鳥相
和而鳴如娑竭龍王園觀難頭和難龍王北
有大樹名爲句梨睽莖圍遶二百八十里高

四千里枝葉分布二千里句梨腴樹東有卯
種金翅鳥宮廣長二十四萬里周有七寶七
種壁欄楯交露樹木園觀浴池蓮香飛鳥相
和而鳴句梨腴樹南有水種金翅鳥宮廣長
二十四萬里周有七寶七重壁欄楯交路樹
木園觀浴池華香飛鳥相和而鳴

句梨腴大樹西有胎生種金翅鳥宮廣長二
十四萬里周有七寶七重壁欄楯交路樹木
園觀浴池華香飛鳥相和而鳴句梨腴大樹
北有化生種金翅鳥宮廣長二十四萬里周
有七寶七重壁欄楯交路樹木園觀浴池華
香飛鳥相和而鳴卯生種金翅鳥欲求取卯

種龍時從句梨睽樹東枝下入大海以翅搏
海水波八千里取卵種龍食之不能得食胎
種水種化種龍水種金翅鳥欲求取卵種龍
時便從句梨睽大樹東枝下至大海以翅搏
海水波八千里取卵種龍食之水種金翅鳥
欲取水種龍時便從句梨睽大樹南枝下入
海以翅搏海水波萬六千里取水種龍食之
不能得食胎種化種龍胎種金翅鳥欲取卵
種龍時便從句梨睽大樹東枝下入海以翅
搏海水波八千里取卵種龍食之胎種金翅
鳥欲取水種龍時便從句梨睽大樹南枝下
至大海以翅搏海水波萬六千里取水種龍

食之胎種金翅鳥欲取胎種龍時便從句梨
睽大樹西枝下入海以翅搏海水波三萬二
千里取胎種龍食之不能取化種龍食之化
種金翅鳥欲取卵種龍時便從句梨睽大樹
東枝下至大海以翅搏海水波八千里取卵
種龍食之化種金翅鳥欲取水種龍時便從
句梨睽大樹南枝下入大海以翅搏海水波
萬六千里取水種龍食之化種金翅鳥欲取
胎種龍時便從句梨睽大樹西枝下入大海
以翅搏海水波三萬二千里取胎種龍食之
化種金翅鳥欲取化種龍時便從句梨睽大
樹北枝下入大海以翅搏海水波六萬四千

里取化種龍食之有餘龍王金翅鳥不能得
食者何等龍王金翅鳥不能得食者一者娑
竭龍王二者阿耨達龍王三者難頭和難龍
王四者善見龍王五者提頭賴龍王六者伊
羅慕龍王七者善住龍王八者迦句龍王九
者阿干樓龍王十者鬱尉旃鉢龍王十一者捷
呵具曇龍王十二者監波龍王金翅鳥皆不
能得取是諸龍王食之此諸龍王皆在山中
居止若有婆羅門道人行求龍意奉龍戒行
具足即生龍中若有婆羅門道人行求金翅
鳥意奉金翅鳥戒行求金翅鳥死已即生金
翅鳥中若有婆羅門道人行求曼留鳥意奉

戒行具足從死後生憂留鳥中若有婆羅門
道人行求牛意奉牛戒具足死後便生牛中
若有婆羅門道人行求狗道奉狗意識行具
足死後生狗中若有婆羅門道人行求鹿道
奉鹿意戒具足死後生鹿中若有婆羅門道
人行求雞道奉雞意戒具足死後生雞中若
有婆羅門道人行求摩尼越天求女人者求
大神者求日月者有日三過浴水中求生天
上者有事天者事日月者求生天者
佛言是癡見者隨兩惡道一者泥犁二者畜
生若有婆羅門道人說見如是我與世有常
言我至誠其餘者為癡有言我與世非常我

至誠其餘者為癡有言我與世有常無常我
至誠其餘者為癡有言我與世亦不有常亦
不無常我至誠其餘者為癡有言我與世有
限我至誠其餘者為癡有言我與世無限我
至誠其餘者為癡有言我與世有限無限我
至誠其餘者為癡有言我與世亦不有限亦
不無限我至誠其餘者為癡有言我有是身
命我至誠其餘者為癡有言我有身死異我
至誠其餘者為癡有言無有身命我至誠其
餘者為癡有言亦不有身命亦不無身命我
至誠其餘者為癡有言人生時所從來死後
亦趣彼我至誠其餘者為癡有言無所從來

生死後亦趣彼我至誠其餘者為癡有言有
所從來生無所從來生死後亦趣彼我至誠
其餘者為癡有言亦不有所從生亦不無所
從生我至誠其餘者為癡

佛言其有婆羅門道人言我於世有常我至
誠其餘者為癡其所行見有我命有身
見世間是故言我與世有常有言我與世無
常有言我與世有常無常有言我與世亦不
有常亦不無常各言我至誠其餘者為癡其
人所見有我命有身見世間是故言我與
世有常其有婆羅門道人言我與世有限我
至誠其餘者為癡其所見有我命是故

言命有限人有限在腹中時死後塚間喪埋
同等人從初生受身四分七反生死以後得
道是故言我與世有限有言我與世無限我
至誠其餘者為癡其所見有我有限有身
見世間言有命有人無限在人腹中時死後
塚間喪埋同等從初生受身四分七反生死
即得道若有婆羅門道人說見言我與世有
限無限其所見有我有限有身見世間言
命無限人有限在人腹中時死後喪埋同等
從初生受身四分七反生死後得道人所見
亦不有限亦不無限我及世者其人言命有
限人在腹中時死後喪埋同等從初生受身

四分七及生死後得道是故言亦不有限亦
不無限若有婆羅門道人所言見有是命有
是身其人言今世命常在後世命常在是故
言我至誠其餘者為癡有道人所見命異人
異其人言今有壽後世無有壽是故言我至
誠其餘者為癡若波羅門道人言今見命盡
死後世轉行生故言我至誠其餘者為癡有
婆羅門道人言亦不有命亦不有身今世命
盡滅後世亦盡滅若有婆羅門道人所見言
生所從來死亦趣彼者我至誠其餘者為癡
其人見今世有身命見後世有身命故言我
至誠其餘者為癡若有婆羅門道人所見言

無所從來生死亦至彼亦不見。今世有命亦
不見。後世無命。若有婆羅門道人所見言有
從無所從來生死亦趣彼我至誠其餘者為
癡亦不見。今世有身命亦不見。後世有身命
若有婆羅門道人所見言亦不有亦不無所
從來生我至誠其餘者為癡其人亦非不見
今世有身命亦非不見。後世有身命

佛告比丘。乃往去世時。有王名不現面。今時
多聚會。盲子便問盲子。汝曹寧知象所類不
盲子白言不知。天王王言。汝欲知象所類不
白言欲知。今時勅使將象來。令眾盲子捫之
中有盲子捫象得鼻中有盲子捫象得牙中

有盲子捫象得耳中有盲子捫象得頭中有
盲子捫象得背中有盲子捫象得腹中有盲
子捫象得後脚中有盲子捫象得膝中有盲
子捫象得前脚中有盲子捫象得尾

時王不現面問衆盲子言象何等類得象鼻
者言象如曲車轆得象牙者言象如杵得象
耳者言象如箕得象頭者言如鼎得象背者
言象如積得象腹者言象如壁得象後脚者
言象如樹得象膝者言象如柱得象前脚者
言象如臼得象尾者言象如蛇各各共爭象
而不相信自呼爲是言象如是一人言不如
是王歡喜笑佛言如是其有異道人不知苦

諦所從起亦不知苦集諦苦盡諦苦滅道諦
各各諍不相信罵詈自呼為是若有沙門道
人知苦集盡滅道諦所從起便共和合同譬
如乳一合無亂但說佛教行安隱
佛言比丘常諦行是苦諦集諦道諦

樓炭經卷第二

容

窈冥上煙曉及樓下良藪二字亦作抓

之巧把上步加及粗才古剥及必角搔蘇刀

縱廣上足把上步加及啾音卓髑音樓

手捲下正作拳咽二音捧上正作撲

鉗突上巨兼及下正牙上莫高下雖芥

甫音 斫削 上之若 及斛 及胡谷 撓勞 上呼高 及疾

藜 二字音 刺人 上七 及紫 子委 瞳音 齧 吾結 肌

膚 二字音 絞縛 巧上 及銚 徒牙 鼎 質音 面皴 瘦下 側

緩 胡伴 顛 之扇 惡露 故上 一棄 指 緣下 音虫 蟻 音下

俄 集 挖 上 古 堯 及 正 作 掠 笞 上音 略 一音 酷

毒 驚 苦 垣 圜 啣 嚙 啼 喚 作 升 廩 下力 稟 誹 非

二音 又 怖 據 去下 其 曰 舅 音 鸚 鵲 二字音 吁 兄干

翅 搏 下音 捫 摩 上音 車 轅 園下音 礮 磚 上音 麩

慄 反力 吉

